

肇論新疏游刃卷第十一

寅二

五臺大萬聖祐國寺開山住持 釋源

大會馬寺宗主贈郵國公海印開法真覺大師長講沙門玄述

疏念謂等者釋念二義一具慧之念名爲慧
念非念是慧也二者極少一念謂暫然心起

宴一

亦名一念事智名權與物推移唯宜是從故
權有逆順隱顯等殊如涅槃說殺邪見婆羅
門逆也權也大悲海雲經仙人不食免兒施
身之肉赴火而死順也常也儒者以權爲反
經合道如孟子男女授受不親禮之常也嫂

溺援之以手義之權也內教齋戒守信死而不犯常也大乘之戒成益即開權也今謂涉有利生宜小宜大宜顯宜密萬變千化不可一准故名權智理智名實照實相之理而無虛妄分別故歎其智妙者以一念中二智無違齊觀二諦幽深之理非口舌能狀唯力用其功者久之自効爾故下勉云好思疏華梵者華謂中華即此界神州大夏也滅與盡理亦相近累盡名滅諦謂審諦亦實也謂苦實苦等疏結使者正取諸惑我法二執下所有

種現俱爲集諦亦兼取諸業增長生死名集解理者理治也 趾苦諦者有漏色心逼迫名苦一煩惱二業繫三生死此三染事聚之一身故云雜也三障如下釋之今約治道等者治謂修治此三治之已盡故若別說下依起信釋也論廣畧云十信凡夫覺知前念起惡故能止後念令其不起是信位能滅也惑有下根本惑即迷理而起如論云不如實知真如法一故圭峯畧鈔釋云不無也覺明也即根本無明枝末下即迷事而起然趾釋大

譽論具云復次依不覺故生三種相與彼不覺相應不離三相即業相轉相現相也不覺即三相中無明也此惑方是枝末不覺也三相即名三細四麤者一智相二相續相三執取相四計名字相釋義如彼生死亦二者界

內生死名爲分段分謂分限或延或促有分齊故段謂形段或長或短有定量故此則六道生死皆分段也界外生死名曰變易變轉也轉麤身爲細質故易改也改短壽作長年故此則三乘生死皆變易也廣釋如別自地

前下即彼論生滅相中之文論云麤中之麤凡夫境界彼疏云三賢位名內凡能覺此染故染體即執取計名字我執也又下論云不了一法界義者從信相應地觀察學斷等自見道等者疏亦大畧爲見道中斷法執分別

相續相出見已去乃至七地滿心斷法執俱生執相也此二種惑俱名麤中之細亦曰事識之惑斷此惑盡分段亡也自八地等者十地究竟名爲盡地謂八地中斷現相入九地斷轉十地窮至佛地始斷業相爾特梨邪

行苦變易生死盡也前二細中之陀菩薩所知境界後一細中之細是佛境界餘文可知

疏涅槃等者若別有處應有邊際有際則無常也小乘下世謂三世時世即有爲諸相間謂中間謂三界有漏墮在其間四相遷滅

三三世流轉此釋該情非情一切法也若唯約正報說者五蘊始形名生五蘊散滅名死涅槃出世可知以二乘獸世間生死忻出世涅槃故大乘可了豈別等者界內界外方域也感能下感性智性無二性故仁王經云菩薩

未成佛以菩提爲煩惱菩薩成佛時以煩惱爲菩提煩惱之相須斷其性無二即般若也故云惑盡等業能下業能繫縛不自在故名不解脫業謝報亡了無繫縛名之解脫故解脫者自在爲義苦能下二種生死之苦能障法身真樂二死既其謝滅則法身之樂自顯即以無苦爲樂無別樂矣故此等者言三障三德敵體相對翻染成淨故知三染即三德之詮門也既依染門詮示若無三染亦無三德自相可說何容更有一盡處爾又三德下

亦依涅槃釋彼經第二云何等名爲祕家之戲猶如伊字三點若並則不成伊縱亦不成如摩醯首羅面上三目乃得成伊三點若別亦不得成我亦如是解脫之法亦非涅槃如來之身亦非涅槃摩訶般若亦非涅槃三法各異亦非涅槃我今安住如是三法爲衆生故名入涅槃如世伊字釋曰出現鈔畧云並乃合爲一體別乃各居一處堅明此三曰縱謂法身本有次修般若後得解脫等四德者常樂我淨也至本論釋之恒沙義備者不

唯三德四德也故起信畧云所謂自體有大智慧光明義故乃至具足如是過於恒沙不離不斷不異不思議佛法等一心融拂者謂上三法一心融之無有差別之相等同一味一心三相曰融三相一心曰拂既融既拂相

塞

四

不可得名何名焉尤可下可解 趾物即緣會等者此論亦宗諸般若智論中論等作也如下所引可見物謂萬物諸法之總名染謂染分依他如大品所列五陰十二入十八界等淨謂淨分依他亦如大品所列十力四無

所畏乃至十八不共法薩雲若等古今等者亦攝一切之時也以下論說寒暑古今等故若唯約人事明之則生死去來動靜遲速長幼逆順是非彼此得喪窮通壽夭貧富貴賤高低等應世諦所攝皆物也以內修言之則行願因果地位等然前後兼以論宗般若只可依經說諸法也不遷等者依宗中指之可知以緣生等者釋成不遷之理也以一義故即一而弗化也故宗鏡云大乘之法緣生無性生即不生滅即不滅故遷即不遷也今約

下論亦兼有頓教之說也初終教者以此教說一切衆生成佛之義極盡大乘之理故亦名實教詮如來藏性中實之道故隨緣下謂隨染緣則有世間諸法隨淨緣則有出世諸法遷即不遷者非遷外說不遷也初門以理

塞

王

在乎事中故隨事而遷也以理有隨緣義故起信云謂如來藏不生不滅與生滅和合即隨緣義乃至成阿梨耶識此識之相生滅即藏性生滅以識相是真妄和合成故具非異義故引楞伽即唐譯第五卷中文具云如來

藏受苦樂與因俱有生滅言因者善不善也不增減經可知第二門以事從理從猶合也引仁王彼初卷也煩惱菩提物也第一義理也一義故遷即不遷也楞伽下同前卷眼等五識者體義聚義依義名身非流轉者五識性空故亦即實相故三此二下謂前之二門隨義排次法必同時矣故此一門雙融前二令二銷鎔遷與不遷交徹一際也此中取義正唯第三然非前二此門不成故初門俱遷次門俱不遷此門即遷不遷方盡一題之義

總包一論之玄也又約唯遷則墮斷見無罪無福等若唯不遷則著常見凡應定凡聖應定聖有無窮之過今明不遷而遷遷即不遷諸過齊喪所引涅槃即第八卷云善男子鳥有二種一名迦隣提二名鴛鴦遊止共俱不

相捨離第三卷云云何解滿字及與半字義云何共聖行如娑羅娑鳥迦隣提日月等清涼云如此方鴛鴦鳥配偶相將古詩云暫分島嶼猶廻首直渡寒溪亦共飛以喻常無常二不相離也引淨名即經第一卷生公下即

玄談大鈔說也然此門中連引三文皆證遷即不遷也頃教者謂直詮真性言絕之理名之爲頓法法下如起信云所謂心性不生不滅一切諸法唯依妄念而有差別等若一念下即清涼答順宗皇帝心要中文次云此照

塞

六

體獨立物我皆如非遷下雙遮令忘言會旨仍名下方便安立假以悟物也花嚴即第九文次此云亦復無有滅若能如是解斯人見如來若依下彼鈔第一今此下初證終教次證頓也 趾將明等者迷悟對辨也言倒

者不遷見遷故成迷倒初句等者如上列舉生死二法互待互謝遷變云爲未嘗少息列子天瑞篇亦云死之與生一往一反故死於是者安知不生於彼哉莊子田子方篇云日出東方入於西極萬物莫不比方乃至是出則存是入則亡萬物亦然有待也而死有待也而生又云生有所乎萌死有所乎歸始終相反乎無端而莫知乎所窮邪次句通一切時者大小諸劫四序晝夜古今延促乃至刹那一念也緣有者緣生之有也後句等者凡

夫目未稟外內之教者此輩心識麤淺但知一期生死不達剎那生滅外道計冥性是常微塵常方常等自冥生覺等皆無常亦正爲下法相說法身是凝然常報化之身皆有爲無漏如大疏具示以一下此論唯一乘之義

塞

七

形對三乘唯見云在疏如涅槃說吾今此身即是常身法身是亦遷即不遷也 肖論主等者法花等經皆以一乘會破三乘故涅槃第二十三卷說三種惡覺一云實無三乘顛倒心故言有三乘一實之道真實不虛顛倒

心故言無一實乃至常爲諸佛菩薩之所呵責故論主將欲引攝遷與不遷殊見之流故於文前舉其所認以抑之也 肖然實教下涅槃花嚴等經處尤多離文字也 經云諸法不來不去非因非緣不生不滅無取無捨不

增不減乃至非是文字之所辨說法華即第一上句云是法住法位云釋云法位即真如異名法住於理故相當住也 肖然動靜多體者淺則非情名靜有情名動息事名靜作事名動向夜名靜涉晝名動等深則定靜而

慧動真靜而俗動世出世等可例說之且約下依理事無碍之境權實雙彰之心釋也問真諦與理何別邪答真通而理狹以真亦通事也如八諦對分可知今以真俗理事合取真且屬理動靜之意在文可知心者下起信

疏解直心云向理之心無別歧路故渙和涉有依有境說其動可知餘文易了論中等者推繹約心境釋之所以也求之捨之非心如何 肖然動靜等者迷夫任生滅之心遷則一向謂遷不遷則一向謂不遷焉知去住元空

動靜一理若是芳舟運而岸亦何移輕雲卷而月元無驟世間下世間動也出世靜也而殊見者不知世間相虛即出世間故智論二十七廣破此見畧云世間相即是出世間更無所復又依計者依他遍計動也圓成實性

塞

入

靜也依計性空亦即圓成如何異計 趾了義者揀權漸非了之教也保執下叔世澆浮智慧偏淺博識會理者尠專門黨情者多信有疑空向權背實真如受熏謂起信之悞譯談有爲空斥清辯之謬陳若輩多矣聞亦寒

心何者起信本攝經之論奘尚弘傳清辯實聖人之徒護法見讓寧容螢火輕議日光戒之戒之勿招犁舌趾意可曉但隨難釋之伸舒也展也正同下圓覺序也彼說圓覺了義隱匿於龍宮海藏之中無人弘闡如陽春雪

曲唱者稀而和者寡權淺之典人競傳之如下里巴歌謳者多而應者繁也然四論等者畧彰四論之因起也排挫也所見乖於正理云異叙異可知 趾競辨等者群異之中談不異之妙從其人則乖法順其法則違人所

以難言也 跖初二句等者出難言之所以也 跖頗明了不煩再述寶所者法花第三云若有多衆欲過此道至珍寶處等蓋以一乘爲珍寶處也老氏者彼執大象篇云道之出口淡乎其無味謂聞道清虛少私寡欲不羨

塞

九

常人也耶 跖承前等者謂立功者不辭乎難成仁者不有乎躬黨理者任逆其情正物者弗顧其謗上士下老氏德篇云上士聞道勤而行之中士聞道若存若亡下士聞道則大笑之謂笑其道之質朴也論擬彼書成辭

疏中避繁故小變其文節而釋之也 跖初句等者目擊耳聞之事色聲香味之相故近也此則事相故近理性故遠 跖然者下此中必然有三意焉一要能詮了義之言不滯而流行二在所詮不遷之理明了三欲異見

迷子悟入也欲罷下解不能自己也然出論語彼子罕篇云欲罷不能既竭吾才如有所立卓爾雖欲從之末由也已蓋顏回歎孔子也依言等者謂真諦故無說無示俗諦故因言顯理也故寶性論初云世諦者謂世間所

用之事名字章句言語所說故真一等者即中道不遷之理不居動靜二邊故謙也者謙虛待物焉知來者之不如今也故易曰勞謙君子有終吉論主之謂焉小人少有所得則語氣昂昂眼高四海傍若無人唯懷矜持之

情焉有遜恭之節未得尺寸名已落增上慢疏雙引等者然此論或初須畧示正理次出異見後方廣陳自引放光以下畧示正理自緣使真言以下出異見爲起論之由矣然不能自己以降方廣陳正論餘文可曉緣集

等者法之去來在緣之離合法之自性何去何來故來之與去竟無方處也放光第十七云諸法亦不來亦不去亦不合亦不散等疏引放光大品全依南藏頗異北本如善財下舉事以明花嚴七十九畧云善財白彌勒言

塞

+

唯願大聖開樓閣門令我得入彌勒擇指其門即開命善財入善財入已乃至見樓閣中廣博嚴事於後彌勒菩薩即攝神力上之嚴事悉不成就善財問言此莊嚴事何處去邪彌勒答言於來處去乃至云無有去處不能

具引疏中撮畧經之大義釋之令人易見當
處等二句楞嚴經文中觀即第一破去來品
亦義引之也論偈云動處則有去如今云觀
方知彼去也次前偈云已去無有去未去亦
無去離已去未去去時亦無去如今云去者

不至方長行釋意云已去故無有去業若未
去未有去法去時亦無去者名半去半未去
意云如一步初舉未有所至故云半去半不
去若此亦不離已去未去故去相本空而不
至方也疏中所引是此品最後之文示三法

相待而起其性本空知不遷也去法者即去
業故長行云隨有作業處是中應有去等此
論下會今論意隨俗言遷順真則不遷也涅
槃第二十一云佛問東方琉璃光菩薩言善
男子汝爲到來爲不到來答言世尊到亦不
塞
土

來不到亦不來乃至云若人見有衆生性者
有來不來我今不見衆生定性云何當言有
來不來有憍慢者見有去來無憍慢者則無
去來等 疏經論下指上所引釋捨也 疏
初三句等者疏中間而釋之可見 疏同見

等者物境是一迷悟見殊如二人同席一醒一醉醉者見天地反覆房宇搖蕩醒者見之無一動者迷悟見法其亦如是中吳下惑者逆物未達不遷茅塞其心悟人順物能通若發其覆也 肖淨源下道目理也亦性也

疏無始等者准起信論謂一切染法始於無明更無始於無明者遍計妄想念念生滅名之爲情以情取法法皆轉致令家衢劫劫苦海茫茫論主見之故爲傷也 肖初句況責者況然總責六根所對六識所遇皆然論

中舉目例諸也耳得之而爲聲目得之而爲色未達聲色性空之理故云莫覺也賢首下還源觀序文次此前云真空滯於心首恒爲緣慮之場意謂聲色性空即是實際次二句下述者幸知往物不來即可達其今物亦不

去如何却計今物遷往邪故往物者唯往往者之法位不能來今今物者亦即今日之性空何能至往不遷之理申述至此雖疑網千重亦可一時隳裂莫嫌露布太曉 疏以古等者出意釋理亦昭著可解堯舜五帝之二

仁義之主人到于今稱之故舉此也此中等者古過去也今現在也以過現例準未來未來之物亦自在乎未來不至于今也然三世之時亦衆生妄想分別之所顯現依物而說元無實體故十卷楞伽第一云佛告楞伽王

寔

土

汝言過去者即分別相未來現在分別亦爾疏以今等者義勢不殊於前但互望不同但改向作今改今作向來應作去但去字不應作來也 趾釋成等者謂無今亦不立昔去來亦爾如前說凡諸二之數如是非高下

等皆互緣互生實無自性常情下迷悟對釋常情以所見之法不識唯心所現因緣所生如幻如夢如影如響於夢幻中謂生謂滅反爲虛相轉動分別之心悟士了知緣生性空唯心所現去來無相辭之同舟濟壑一見岸

移一了舟行互不相是誰得誰失不爲所轉予昔下彼錄第七云惑者則爲無常不住新生滅而謂之遷若智者則了性空無知念念無生謂之不遷又曰若能見法是心隨緣了性無一法從外而入無一法從內而生無

一法和合而有無一法自然而成如是則尚不見一微毫住相寧觀萬法有去來斯乃徹底明宗也云甚妙甚妙可返照味之不可下見論文談物未知物即性空之理一向物上求之云前塵非後塵前步非後步等謬之謬

真三

十三

矣 跖南華者莊子書亦名南華經即彼田子房篇也文多畧云丘以是日徂吾終身等云在跖徂往也言世態遷流日日徂也交辭之義諸說不同跖用郭象等舊義可見然具詳莊子之說孔頽談道其理深遠亦彷彿有

不遷之說恨其人已去其書獨存味乎糟粕不具見其真也有心力者亦可以咀之東坡赤壁賦亦云蘇子云客亦知夫水與月乎逝者如斯而未嘗往也盈虛者如彼而卒莫消長也蓋將自其變者而觀之則天地曾不能以一瞬自其不變者而觀之則物與我皆無盡也 跖通結下眠初兆也 跖連引等者跖總示之亦通於物者時亦物也旋嵐者智論十一云大劫盡時鬼藍風起吹須彌如爛草等大跖云亦云隨嵐皆梵音輕重即興雲

之風止方風也亦是壞劫時風餘可知白駒者即窓隙日影中飛埃也飄馳甚疾古人亦喻光陰急促如杜工部詩云身世白駒催游氣即莊子舊解若虧齋解又云游絲即空中時有拂人之面者謂之游絲眼力不可見之

然窓隙飛埃甚正故鼓吹詩云窗裏日光飛野馬是也駛馬行疾也日月等者俱舍頌云夜半日沒中日出四洲等謂如此方夜半西牛貨洲則日沒北贊單越日中東弗提婆日出等故一晝夜周四天下餘文旨不異前

疏情計等者誕虛也妄也達觀等者達悟也亦通也觀洞視也亦禪家所謂具眼者體猶會也究也文旨已備者上乃約文敷旨理亦極成也自此而下會通內外之典令知殊途同歸也 疏濬妨者合其間意梵網者即彼

塞

古

經序文諸經者涅槃二十三云人命不停過於山水今日雖存明亦難保云何縱心令住惡法壯色不停猶如奔馬等 疏初二句等者如法花第二云以佛教門出三界苦謂聞四諦之教悟生空之理修無常等道證預流

等果此中正要無常等行若廣釋甚繁緣謂下智論第十八云辟支佛有二種一名獨覺二名因緣覺獨覺是今世成道自覺不從他聞故因緣覺者是人先世因緣故獨出智慧不從他聞等如一國王出在園中游戲清朝

見林樹花葉蔚茂甚可愛樂王食已而卧王諸夫人婦女皆共取花毀折林樹王覺已見林毀壞而自覺悟一切世間無常變壞皆亦如是思惟是已無漏道心生斷諸結使得辟支佛道具六神通等釋曰論中覺緣離以即

真謂覺緣起諸法無常離諸結使得無漏智名即真也與智度因緣少殊修無常是同廣釋如別疏通前等者前亦潛妨此亦潛通研窮也復審也言權旨實者如談無常密顯常義等以常無常亦相待起不相離故偏見

之士如言生解聞東迷西圓見之流聞一知二涅槃下經第九畧云先陀婆西域呼先陀婆一名曰實如是鹽器水馬皆名先陀婆疏此理等者可以神妙之智以會其理不可隨識守名言事相之情求也楞伽下唐譯第三

卷三

五

畧云爾時大慧菩薩摩訶薩復白佛言世尊如經中說過去未來現在諸佛如恒河沙此當云何爲如言而受爲別有義佛告大慧勿如言而受乃至廣說生公即竺法汰之資亦學於什公初法顯三藏出六卷泥洹經彼第

六卷除闡提不得成佛生公講至於此評曰夫稟質二儀皆涅槃正因闡提合生之類何獨不得成佛應此經度未盡爾是時智公守文生公執理往復移時僧多從智竟爲宋文帝黜生虎丘後至廬山得新譯大經生公且

講且解每至闡提有佛性之言諸師俛首扼腕而慙初生公被黜含垢忍死以待聖經此經既至證白不謬說經繞了即屬眾衆曰生爲此經未至忍死來久久云可善流布見塵尼紛然墜地而化時號忍死菩薩也希聲者老

氏云大音希聲今謂生公達經談理千古絕唱準式者可爲標準軌式也然唯等者却戒之也世有好名之流狂簡僭擬妄生穿鑿斐然成章者是誠厲女效顰鼻慕鸚語古人云離經一字便同魔說疏既貴等者躡前以

明也防堤防也此之二說等者準畧鈔會涅槃經意倒有二種一凡夫本四倒謂凡夫於身無常計常等故佛初成道說無常等以破之二乘末四倒二乘之人修前無常等行以出三界然未識法身常樂之理故此經中

真

士

佛性妙有涅槃四德以破之廣如彼經說第二卷說非還等者第一義諦一切巨說 跖雙引下引成具經乃義引之智論五十一云一切諸法不動相故是法無來處無去處無處住等疏中分之各證前義太曉然也皆對

治等者即大論彼有四種疏畧示二若經中說中道佛性之理名第一義諦參檀也 疏若經等者經論但破執常非常之情諸法之實不必隨言去留也故經論之言雖各一偏其旨未嘗不圓也疏初二句等者此一段疏節釋論文顯非重繁各有義意然皆不殊前所以下前舉二乘稟非常之教以證小果今此但會所稟之教含有權實更不會人修之所以故疏示之云爾然以論意酌之教含權實二乘見權而昧實故但住化城未及實所

及至法花與開方便之門而示真實之相

疏此會等者內篇太宗師名也彼有三藏藏舟於壑藏山於澤藏天下於天下文多不引固牢也疏中直解貴令易省寫言者謂假寓其辭非實事也彼書寓言者多不能廣示四

塞

七

梵志如常聞新新下亦全用朱文公熹註釋疏二典等者方便善巧引攝他宗令信內法也疏孔子等者順世教說智出人表即名聖人非如內宗智與理冥爲聖也故孟子云麒麟之於走獸鳳凰之於飛鳥泰山之於

丘垤河海之於行潦類也聖人之於民亦類也出乎其類拔乎其萃自生民以來未有盛於孔子者也莊周著書三十二篇祖黃老述自然以毀仁義蔑禮樂故儒者斥其不經而爲諸子之冠人難盡之者聖人之所到聖典之妙趣而凡情未盡識也古人云以小視大則不盡疏此出下且一年爲一變爾細而求之如楞嚴第二波斯匿王云豈爲年變亦兼月化何直月化兼又日遷沉思諦觀刹那念念之間不得停住等形亦下亦隨年

月乃至剎那新新而變少壯下且約百年爲論實亦念念異也若此則念念體異執之爲一故成倍迷楞嚴云迷中倍迷謂迷相一倍之多也若知下出不遷之義亦前後剎那隨變隨異分分各住復何相到故法華云是法住法位世間相當住以諸法緣生體用俱離即有即空有之分位即實相性空之位也所以即遷而不遷問明品偈云諸法無作用亦無有體性又云譬如河中水湍流競奔逝各各不相知諸法亦如是以體用俱空故不相

知也 肖此以等者顯示論文善巧也如前引內教以聲聞等內事明之此引外典乃以梵志外事證之不善作者之妙竒何能知此論之巧辯哉餘文可知納婚曰娶貴續其後也似昔人諸法無分_平^聲不善於俗也若是昔

人則異位通同不善於真也故白首梵志特今日之新吾朱頴梵志元在昔之故吾矣梵志一也然朱白體殊故似是而非真是也莊子田子房畧云仲尼告頴回曰汝雖忘乎故吾吾有不忘之者存等

大
三

肇論新疏游刃卷第十一

永樂北藏

肇論新疏游刃

第一八六册

永樂北藏

肇論新疏游刃

第一八六册